

INUIT ATAQATIGIIT

Inatsisartuni



16. december 2019

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

Naalakkersuisunut apeqqut:

- 1. Sanaartornermut maleruagassat atuuttut naapertorlugit kollegiani, efterskoleni skolehjeminilu ikuallattoqalersillugu putsumut kalerrisaarutininik pinngitsoorani peqarnissaa inatsisitigut piumasaqaataangilaq.**
 - a. Kollegiani, efterskoleni skolehjeminilu putsumut kalerisaarutininik peqarnissaanik inatsisitigut piumasaqaataalernissaa Naalakkersuisut pilersaarutigilersarpaat?**
 - b. Taamaassimappat; Kollegiani, efterskoleni skolehjeminilu putsumik kalerrisaaruteqarnissaanik inatsisitsigut piumasaqaataalernissaa qaqugu pissasoq Naalakkersuisut pilersaarutigaat?**
- 2. Naalakkersuisut piumasaqaatigaat kollegiani ikkussuunneqassasut putsumik kalerrisaarutit.**
 - Piumasaqaat tamanna aamma efterskolenut aamma skolehjeminut atuuppa?**
- 3. Putsumik kalerrisaarutit kollegiani ikkussuunneqarnissaat Naalakkersuisut piumasaraat, naak tamanna inatsisitigut suli atuutilersinneqanngikkaluartoq.**
 - Inatsisitigut suli inissinneqannginnerata nalaani kollegiani ikuallattoqalissagaluarpat putsumik kalerrisaarutit battereeruttoorsimappata imaluunniit batteriaa inummik peerneqarsimappat taamalu kalerrisaarutaasinnaajunnaarluni, taava inatsisitigut akisussaatinneqartussaq aamma / imaluunniit akisussaasunngortinneqartussaq kinaassava?**
- 4. Paasissutissanik allanik sammisamut tunngasunik Naalakkersuisut peqarpat?**

(Inatsisartunut ilaasortaq Sofia Geisler, Inuit Ataqatigiit)

Tunngavilersuut:

Ineqarfiit kollegiat, efterskolit skolehjemmillu eqqarsaatigalugit putsumik kalerrisaarutit inatsisitigut ulloq manna tikillugu piumasaqaataannginnerat tupinnarpoq. Taamaattumik inissaminiippoq kalerrisaaruteqalernissaa Naalakkersuisut piumasarimmassuk, immikkut eqqaaneqarlutik kollegiat. Inatsisitigullu tamanna suli inissinneqanngilaq. Inatsisitigullu piaartumik Naalakkersuisuniit inissinneqarnissaa pingaaruteqarpoq, najugaqartut ineqarfinnilu

taakkunani akisussaasuusut toqqissisimanissaat isumannaatsumillu inissisimanissaat pingaaruteqarluinnarmat.

Kissaatigivara apeqqtikka ullut suliffiusut qulit qaangiutinnginneranni akineqarnissaat.